



SAKSFRAMLEGG

Saksnr:	Utval:	Dato
	Formannskap/plan- og økonomiutvalet	

Sakshandsamar:	Arkiv:	ArkivsakID
Tore Henrik Øye		22/1336

HANDSAMING AV SØKNAD OM STØTTE FRÅ NÆRINGSFONDET TIL OPPSTART AV TILBOD OM PERSONLEG TRENAR.

Vedlagte saksdokument:

Søknad om støtte til enkeltmannsforetak

Kommunedirektøren sitt framlegg til vedtak:

Med bakgrunn i fondsvedtektene § 2 «Formål», vert det ikkje funne grunnlag for å løyve midlar frå Vaksdal Kommunale Næringsfond til etablering av tilbod om personleg trenar for å førebyggje og handsame muskel- og skjelettplager (Muscle Tissue Training).

Søknaden frå føretaket «PT Silje Hetterud Dale», om tilskot frå fondet, vert av den grunn avslått.

Formannskapet/plan og økonomiutvalet (fondsstyret) si grunngeving for avslaget, er at prosessen med å etablere treningstilbodet, ikkje er kome tilstrekkeleg langt, og at næringsverdien med tiltaket ikkje kjem tydeleg nok fram. Samstundes finn ikkje fondsstyret grunnlag for å bruke midlar frå fondet til å finansiere utdanning.

Det kan rettast ny søknad til næringsfondet når utdanninga som personleg trenar er fullført.

Fondsstyret viser til Vaksdal Næringssekskap som mogleg kontaktpunkt ved etablering av verksemda, og eventuell utarbeiding av ny søknad.

Saksopplysningar:

Samandrag/konklusjon (kort om saka)

Føretaket «PT Silje Hetterud Dale» søker om midlar frå Vaksdal Kommunale Næringsfond til å finansiere oppstart av tilbod som personleg trenar, for å førebyggje/handsame muskel- og skjelettplager, med lokalisering i Vaksdal kommune.

Kostnaden med etableringa er i søknaden oppgjeven til kr. 65 000,-, fordelt på utdanning, oppussing av lokale, innkjøp av utstyr og marknadsføringsmateriell. Det er ikkje oppgjeve eit spesifikt søknadsbeløp.

Kommunedirektøren vurderer at utviklinga av tilbudet ikkje er kome tilstrekkelege langt i høve til fondet sitt føremål om å fremje næringsverksemd i kommunen, jf. fondsvedtektene § 2, saman med at næringsverdien av tiltaket, ikkje er synleggjort godt nok i søknaden.

Kommunedirektøren si innstilling er å ikkje løyve midlar til tiltaket, slik som søknaden ligg føre i dag.

Bakgrunn for saka

Vaksdal Kommunale Næringsfond skal nyttast til å fremje næringsføremål i kommunen, inkludert primærnæringa. Prosjekt/tiltak som medverkar til nyskaping og moglegheit for sysselsetting, skal prioriterast, jf. fondsvedtektene § 2.

Fondsstyret, ved Formannskapet/plan- og økonomiutvalet (FPØ), fattar vedtak om løyving frå fondet, etter innstilling frå administrasjonen.

I søknad av 15.11.22 søker føretaket «PT Silje Hetterud Dale» om tilskot frå næringsfondet til å etablere tilbod om personleg trenar, med vekt på førebygging og handsaming av muskel- og skjelettplager (MTT- Muscle Tissue Training).

Søklar er i dag utdanna som personleg trenar, med jobb som PT på Next Dale. Ho tek no tilleggs-utdanning innanfor MTT, og vil tilby eit treningstilbod etter slutført utdanning. Tilbodet skal lokalisrast ved treningssenteret på Dale.

I følgje søknaden vil kostnaden med etablering av tilbodet, mellom anna knyte seg til følgjande utgifter:

- | | |
|----------------------------|-----------------------|
| • Utdanning MMT | : kr. 40 000,- |
| • Oppussing behandlingsrom | : kr. 10 000,- |
| • Utstyr | : kr. 10 000,- |
| • <u>Marknadsføring</u> | : <u>kr. 10 000,-</u> |
| • SUM | : kr. 65 000,- |

Det går fram av søknaden at muskel- og skjelettplager er utbreidd i samfunnet, og på bakgrunn av eigne undersøkingar, meiner søker at den lokale interessa for denne type behandling er stor.

Etter gjennomført utdanning er målet å tilby nokre PT-timar i veka, og å gradvis auke tilbodet.

Nærare informasjon om planlagt tilbod, går fram av vedlagt søknad.

Formelt grunnlag:

- Vedteker for Vaksdal Kommunale Næringsfond, revidert av kommunestyret den 14.06.22

Vurdering og konsekvensar:

Søklar innfrir kravet til å vere registrert med føretak i Brønnøysundregistrene, jf. § 2 fjerde avsnitt i vedtektene.

Søknaden er noko mangelfull med tanke på krava til innhald etter fondsvedtektene § 4 «Stønadsvilkår», men er funnen tilstrekkeleg for sakshandsaming.

Midlar frå næringsfondet skal nyttast til å fremje næringsføremål i kommunen, med vektlegging av tiltak som medverkar til nyskaping og sysselsetting.

Planlagt satsing på PT-tilbod innanfor MTT, vil inngå som del av det yrkes- og næringsretta grunnlaget for søkjar, samstundes som tenesta truleg vil representere noko nytt i kommunen, ut over tilbodet gjennom offentleg helsevesen.

Søkjar er førebels i utdanningsfasen, og storparten av dei oppgjevne kostnadane i søknaden, er knytt til utdanninga (62 %). I dette høvet forstår Kommunedirektøren fondsvedtektene slik at midlane først og fremst skal nyttast til etablering og utvikling av sjølve næringsverksemda, med produkttilbod. Vurderinga er derfor at prosessen med å skipe det næringsretta tilbodet, ikkje er kome langt nok til å kunne løyve tilskot frå fondet. Samstundes er oppfatninga at næringsverdien av satsinga, ikkje er tilstrekkeleg konkretisert og synleggjort. Det vil av den grunn vere naturleg å utvikle ein forretningsplan, med ei enkel marknadsundersøking som indikerer etterspurnaden og næringspotensialet. Dette vil høgst truleg gje eit betre grunnlag for både etablering, finansiering og drift av verksemda, og ved vurdering av ein eventuell ny søknad. I dette høvet kan Vaksdal Næringssekskap utgjer eit viktig kontaktpunkt, gjennom innspel og rettleiing.

Søkjar kan retta ny søknad til næringsfondet etter avslutta utdanning.

Konklusjon:

Med bakgrunn i vedtektene for næringsfondet § 2, og slik som søknaden ligg føre, gjer Kommunedirektøren framlegg om å ikkje løyve midlar frå næringsfondet til etablering av PT-tilbod innanfor Muscle Tissue Training (MMT).